



Jens-Frederik Nielsen
Inatsisartuni ilaasortaq, Demokraatit

§ 37 apeqqut nr. 87/2022-mut akissut – meeqqat atuarfiannut tunngasoq

17-05-2022
Sagsnr. 2022 - 9979
Akt nr. 19967994

Asasara Jens-Frederik,

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nanoq.gl

Qujanaq Inatsisartut ingerlatsineranut maleruagassaat malillugu apeqqutilliisimaninnut. Uani ataani akissavakka.

1. Naalakkersuisut qanoq ilillutik qulakkeerniarpaat, malittarisassat inatsisillu meeqqat atuarfiannut tunngasut malinneqarnerisut?

Akissut:

Meeqqat atuarfiat kommunit ingerlatsinerisa ataaniippoq Namminersorlutik Oqartussat nalinginnaasumik ilitsersuineramik pisinnaatitaaffiata avataaniilluni. Atuarfik pillugu inatsit atuuttoq malillugu allaqqavoq¹, kommunalbestyrelsit Atuarfik pillugu Inatsisartut inatsisaannik ingerlatsinerat Naalakkersuisut nakkutigissavaat.

§ 37 imm. 1 atuarfik pillugu Inatsisartut inatsisaat nr. 15, 3. december 2012-meersoq kommunit Inatsisartut inatsisaannik ingerlatsinerat Naalakkersuisut nakkutigissavaat. Aalajangersakkami imm. 2-mi aalajangigaavoq, "Naalakkersuisut kommunalbestyrelse paasissutissanik piumaffigisinnaavaat, Inatsisartut inatsisaat malillugu suliaminnik pisarialinnik isumaginnissinnaanersut" pillugu.

Annertussusaa suuneralu Naalakkersuisut meeqqat atuarfiannut nakkutilliisussaataanerannut tunngatillugu allattorsimapput oqaaseqaatini meeqqat atuarfiat pillugu Inatsisartut inatsisaat nr. 15, 3. decemberimeersumi. Uani ima allassimapput:

"Kommunalbestyrelsit paasissutissanik piumasaqarfigineqarsinnaanerannik pisinnaatitsissut inatsit malillugu Naalakkersuisut pisariaqartumik suliassamik ingerlatsinissaattut isigineqassaaq, tassaallunilu Naalakkersuisut nakkutiginninnerat suliassallu inatsimmi aalajangersakkat malillugit Naalakkersuisut suliassaat allat.

Tassaasinnaapput paasissutissat atuarfinni tamanni ukioqassutsit malillugit atuartut amerlassusaaq, atuartut immikkut atuartinneqartut amerlassusaaq, ilinniartitsisumut ataatsimut atuartut amerlassusaaq, tak. § 35, misilitsernemi misiliinernilu angusat, iliuusissatut pilersaarutit suliarineqarnerat, tak. § 19 aamma kommunalbestyrelsit atuarfimmik nakkutiginninnerat pillugu paasissutissat.

¹ Atuarfik pillugu Inatsisartut inatsisaat nr. 15, 3. december 2012-meersoq allannguuteqartooq

Ilinniartitsisut eqqarsaatigalugit paasissutissat aamma tassaasinnaapput ilinniartitsisut ilinniagaqarnerat piginnaasaqarnerallu tunngavigalugu meeqqat amerlassusiisa ilinniartitsisunut agguarnerat. Tamanna aamma pissaaq ilinniartitsisunut allanik tunuliaqutilinnut tunngatillugu atuartut amerlassusaannut sanilliullugu ilinniartitsisut ilinniartitsisut ilinniarsimasut agguarnerannik nalilersuisinnaajumalluni.

Aalajangersagaq piviusuni oktobarip aallaqqaataani nalunaarutinik taaneqartartunik suliaqarnermut nassitsinernullu tunngavittut atorneqartarpoq, taakkulu tassaallutik paasissutissat arlallit tassaasut killiffinni misilitsinnerniit tiimit ilinniartitsisut atugaannut il.il. Siunertaavorli taakku pitsaassutsit pillugit nalunaarusianut atatillugit siunissami suliarineqartassasut § 49 malillugu.

Naalackersuisut aammattaaq kommunalbestyrelsit atuarfinnik ataasiakkaanik qanoq nakkutiginninnerannik misissuinissamut periarfissaqassapput.”

a. Qanoq akulikitsigisumik qanorlu Naalackersuisut kommunit nakkutisarpaat?

Akissut:

Eqikkarlugu oqaatigineqarsinnaavoq, Naalackersuisut nakkutilliinerat tamaat isigalugu imatut tigummineqarsinnaammata:

- Paasissutissanik katersineq aamma kisitsit atorlugit nassuiaasiormi meeqqat atuarfiat pillugu 1. oktober-nalunaarutit, alloriarfinni misilitsinnerni inernerit, misilitsinnernut inernerit. Ilinniartitaanermut Aqutsisoqarfik ukiut tamaasa Naalackersuisut sinnerlugit paasissutissanik katersisarpoq.
- Kommunalbestyrelsimut paasissutissanik pissutsit pillugit piumasaqaateqarneq, ajornartorsiutinut aalajangersimasunut tunngatillugu pisariaqartutut nalilerneqartuni, ilinniartitaanermut Naalackersuisoqarfiup namminneq ingerlatsinerminni maluginiarsimasaannit imaluunniit atuisut imaluunniit allat attuumassuteqartut ajornartorsiutaasinnaasunik pissutsinik tikkuaasimatillugit.
- Ingerlaavartumik ataatsimiinnerni oqaloqatigiinneq, pikkorissarnerni, ataatsimeersuarnerni, siunnersuinerni, aqutissiuussinerni ilaalu ilanngullugit.

Oqaloqatigiinneq aallaavigalugu nakkutiginninnermi ilanngunneqassapput makku, inatsisip Naalackersuisunit pilersorneqarsimannginnissaa atortussani eqqortuni kommunalbestyrelsip piginnaaneranik akuleruttumik.

Oqaloqatigiinneq aallaavigalugu nakkutilliineri ilinniartitaanermut Aqutsisoqarfik ingerlaavartumik kommunit atuarfeqarfinnut aqutsinerannut ingerlataqarput ukiuni arlaqalersuni ukiumut oqarasuaatikkut ataatsimiittarnertigut kiisalu ataasiakkaanik naapillutik ataatsimiinnermikkut, inatsisitigut apeqquteqaatit aamma qaqillugit oqaluserineqartarlutik. Taakkua saniatigut perorsaaniikkut aamma inatsisitigut apeqqutit oqallisigineqarnissamut qaqinneqartarlutik ukiumoortumik atuarfiit pisortaasa ataatsimiinnerini aamma pikkorissarnerni ilinniartitaanermullu Aqutsisoqarfimmit ingerlanneqartuni, soorlu inatsisit nutaat assersuutit saqqummiunneqarnissaannut suliniuteqarnermi aamma sukumiisumik oqallinnermi. Aamma ilinniartitaanermut Aqutsisoqarfik ingerlaavartumik attavigineqartarpoq soorlu ingerlatsivinnit, atuarfiup pisortaannit, ilinniartitsisunit, atuarfimmi bestyrelsimut ilaasortanit, angajoqqaanit ilaalu ilanngullugit, paatsuunganarsinnaasunik apeqquteqartoqarsimatillugu, qanoq inatsisit assigiinngitsut isumaqatigiissutillu nassuarneqassanersut atuutsinneqalissanersullu pillugit. Taamaalluni

oqartoqarsinnaavoq, oqaloqatigiinnerit ingerlanneqartut aallaavigalugit kommunit Inatsisartut inatsisaannut ingerlatsinerannut nakkutilliinerit aammattaaq ingerlaavartumik siunnersuinernik aamma aqquutissiuussinernik ingerlanneqartassasut qanoq inatsit atuuttoq nassuiarneqassanersoq aamma malinneqassanersoq.

b. Tassunga atatillugu Naalackersuisut isumaqarpat, kommunit tamarmik malittarisassanik atuuttunik tamanik aammalu Inatsisunik atuuttunik tamanik malinnivinnerisut?

Naalackersuisut kisitsit atorlugit nassuiaasioqneq ajorput qanoq suliassat amerlatigineri pillugit, kommunit malittarisassanut atuuttunut malinnissimannginnerat pillugu aamma pineqartumi inatsisinut tunngatillugu. Suliassat, Ilinniartitaanermut Naalackersuisoqarfiup qisuariarfigisimasaanni, kommunit ilinniartitsinerimut pisussaaffiinut malinninnerisunik imaqsinnaapput, atuartulinni, inatsit malillugu ilinniartinneqarnissamut neqeroofigineqarneq ajortuni, timit amerlassusaanni tunniunneqartuni, inatsimmi timit amerlassusiisa minnerpaaffissaanni, meeqqanut pinerluuteqarsimanermut inatsimmik unioqquutitsisoqarsimanissaanut pasitsaassaqarnermi, angajoqqaat atuartitsineq pillugu assigisaannillu saaffiginninnerini.

c. Kinguneqartitsinerit qanoq ittut Naalackersuisut kommuninut atuutilersissinnaavaat malittarisassat inatsisillu malinneqanngippata?

Akissut:

Inatsisip Naalackersuisut pilersorsimanngilai iliuusereriikkamut kinguneqartitsinissamut periarfissanik imaluunniit eqqartuussisutigoortumik sakkussanik meeqqat atuarfianni nakkutilliinerimmi atortitassanik, taamaattumillu ajornartorsiutaasinnaasut oqaloqatigiinnikkut aaqqinniarneqakkajuttarlutik.

Ajornartorsiutaasinnaasunik pisunik peqartoqartillugu meeqqat atuarfiata inatsisaanni aalajangersakkat malinneqarneqarneranni imaluunniit allatut pisuni, kommunit piumaffigineqartarput suliamut tunngasumik paasissutissiissusioqqullugit, aamma piumasaqarfigineqartarput ajornartorsiutaasinnaasut inatsisit malillugit aaqqinniarneqarnissaannut.

Naalackersuisut toqqarsinnaavaat malugitinniarneqarnissaat piffinni ataasiakkaani arlaqartuniluunniit, ajornartorsiutitut isigisaminni imaluunniit pitsanngorsaatinik piumasaqarsinnaapput imaluunniit ineriartortitsinissamut piumasaqarsinnaallutik. Kommunalbestyrelsip piumasaqaat malinngippagu, Naalackersuisut apeqqut ingerlateqqissinnaavaat Kommunini Nakkutilliisunut.

2. Naalackersuisut nalilerpaat, Meeqqat Atuarfiannit aalajangikkat – soorlu assersuutigalugu atuarfiup pisortanit – suliassat suliarineqartarnerat pillugu inatsisip iluanittut? Akissut tunngavilersoqquneqarpoq.

Akissut:

Sullissinerimut inatsit pisortanit ingerlatsivinni tamani atuuppoq, uani aamma kommunit meeqqanut atuarfii ilaallutik. Sullissinerimut inatsisip malittarisassat aalajangertarpei soorlu qanippallaartumut tunngatillugu, aqquutissiuussineq, takussutissaq, allagaatinik takunnissinnaatitaaneq, tunngavilersuut. Inatsimmut malittarisassat ilaatigut qularnaarpaat, aalajangiinerit paasissutissat eqqortut malillugit aamma pivusorsiortumik toqqammaveqarnissaq. Atuarfimmi pisortap aalajangiinera tassunga atatillugu

sullissinermut inatsisit malillugu ingerlanneqarsimassaaq, aalajangiinermi inatsisit ingerlatsinermut tunngassuteqarsimappata. Oqaaseqaat imaannak paasillugu, aalajangiisoq, suna imaluunniit

eqqortoq suliame pineqartumi sorliunersoq. Kisianni atuarfimmi pisortap aalajangigai taava sullissinermut inatsisip ataaniissimassanngillat. Imatut aalajangiinerit paasillugit, atuarfimmi pisortap atuarfimmi pisortatut suliassami ataani suliassatut aallaaviusimappata. Nalinginnaasumik atuartitsineq ilaavoq, aqutissiuussineq, karakterilersuineq assigisaallu, uani pingaartumik suliassat qanoq ingerlanneqarsimaneri pineqarlutik. Uani aamma pineqarput ingerlatsinermi aalajangiinerit, aalajangiigallarnertut paasillugu, sullissinermi aalajangerneqartut, aamma soorlu inunnut ataatsiakkaanut atuutsinneqartut soorlu isumaqatigiissutinut tunngasunik aalajangiinermi.

3. Angajoqqaat/oqartussaaffimmik tigummiaqartut suut naammagittaalliornissamut periarfissaraat isumaqarunik atuarfik imalunniit kommuni malittarisassanik inatsisinillu atuuttunik malinngitsoq?

Akissut:

Naammagittaalliornissamut malittarisassanut aalajangiinerit meeqqat atuarfii pillugit Inatsisartut inatsisaanni nr. 15, 3. december 2012-meersumi § 52-miipput. Naammagittaalliornissamut malittarisassat nassuiarneqaqqipput inatsimmi oqaaseqaatini.

Siullertut angajoqqaat/angajoqqaatut akisussaasut atuarfimmi pisortamut naammagittaalliuteqaqqaarsinnaapput. Atuarfiup pisortaata aalajangiinera naammagineqanngippat, naammagittaalliorloq sapaatip akunneri sisamat iluanni kommunalbestyrelsimut tamanna angutissavaa.

Aalajangiinerit, atuarfimmi bestyrelsimit aalajangerneqartut atuarfinni ataasiakkaani atuartitsinermut aaqqissuussinermut tunngasuni, allanut oqartussanut naammagittaalliutigeqqinneqarsinnaanngillat. Atuarfimmi bestyrelsip aalajangiinerat kommunalbestyrelsip nakkutilliinerata ataaniippoq.

4. Naalackersuisut qanittumi misissuisimappat, atuarfiit qassit, Atuarfimmi naliliisarneq uppernarsaasiortarnerlu pillugit nalunaarummi nr. 2, 9. januar 2009-meersumi § 15, imm. 2-mi allaaserineqartutut malinnissimanersut?

Akissut:

Naalackersuisut taamaattumik misissuisimanngillat, aamma paasissutissanik aallerneq ajorput atuartumut ataatsimut atuartitsinissamut tiimit ingerlanneqartut pilersaarutigineqartullu pillugit. Tamakku paasissutissat atuartut ataasiakkaat namminneq 1. klassemiit 10. Klasse tikillugu nalunaajaataanniipput (Angusakka arki 3). Aamma kommunalbestyrelsip nakkutilliususaatitaanerannit takuneqarsinnaavoq, atuarfiit inatsisit malikkaat uani aalajangersakkat nalunaarummi taaneqartumi.

Naalackersuisut sinnerlugit llinniartitaanermut Pisortaqarfik ukiut tamaasa 1. oktober-nalunaarutininik aallertarpoq, ilaatigut paasissutissanik atuarfiit ataasiakkaat tiimit atugassaannik pilersaarutininik imaqartunik atuartitsinerni fagini klasseni trin-ini tamani.

a. Taamaassimappat nalunaarsuummik takorusuppunga, atuarfiit qassit uppernarsaasiortarnermut piumasaqaatinut naammassinnissimanersut.

b. Taamaassimangippat paaserusuppara, qaqugu missorniarlersaarneqarnersoq, atuariit ataasiakkaat uppersaasiortarnermut piunasaqaatinik naammaasinissimanersut.

Akissut:

b. Naalackersuisut maannakkuugallartoq pilersaaruteqanngillat misissuinissamut aallartitsinissamut, atuariit qassit, uppersaasiortarnermut piunasaqaatinut malinninersut § 15, imm. 2-mi allassimasut malillugit nalunaarummi nr. 2, 9. januar 2009-meersumi atuariimmi naliliisarneq uppersaasiortarnerlu pillugit.

5. Ilinniartitsisunngorniarnep aqqissuusaanerani pisortat suliffeqarfiutaasa aqqissuusaanerat ingerlanneqarnerallu ilinniartitsissutaaneq ajorpoq. Naalackersuisut taassuma allangortinnissaanik pilersaaruteqarpat? Akissut tunngavilersoqquneqarpoq.

Akissut:

"Inatsisartut inatsisaat nr. 14, 12. juni 2019-meersoq ilinniaqqiffiit pillugit" malillugu atuariititsinissamut aqqissussat nutaat, ilinniartitsisunngorniarnep imaanik allaatiginnittoq ilaatigut, naalackersuisoqarfimmut tusarniutissatut nassiunneqassaaq. Inatsit Naalackersuisunik ilitsersuinissamut pisinnaatitsinngilaq ilinniartitsisunngorniarnep imarisaanut aalajangiinissamut".

Inussiarnersumik inuulluaqqusillunga



Peter Olsen